



Акафист

Пресвятой Богородице
в честь иконы Ее

Всецарица,

исцелительнице
онкологических
болезней



**АКАФИСТ
ПРЕСВЯТОЙ
БОГОРОДИЦЕ
В ЧЕСТЬ ИКОНЫ ЕЕ
ВСЕЦАРИЦА**



Москва

2004

Приход храма Святого Духа сошествия



Тропарь, глас 4:

Образом радостотворным
честныя Всецарицы,/ жела-
нием теплым взыскающих
благодати Твоея/ спаси, Вла-
дычице;/ избави от обстоя-
ний к Тебе прибегающих;/
от всякия напасти огради
стадо Твое,/ к заступлению
Твоему/ взывающее присно.





Кондак 1

Новоявлѣнной Твоей иконе
предстояще вернии, умильно вос-
певаем Ти, Всецарице, раби Твои;
низпосли цельбы к Тебе прите-
кающим ныне рабом Твоим, да вси
радостно зовем Ти: Радуйся, Все-
царице, недуги наша благодатию
исцеляющая.

Икос 1

Ангел предстатель с небесé сшед,
речé Всецарице: радуйся! И бого-
вещáнным гласом воплощаема Тя
зря, Господи, возопí к Ней таковая:

Радуйся, главíзно нашего спа-
сения; радуйся, исполнение Зиж-
дíteлева смотраения.

Радуйся, яко Тобою Бог вопло-
тíся; радуйся, яко Невидимый в
Тебе изобразíся.

Радуйся, милость мира внутрь
прия́вшая; радуйся, одеяние плоти
Слову соткавшая.

Радуйся, уму непостíжная гóр-
няя славо; радуйся, сердца ожи-
вившая небесная манно.

Радуйся, звездó, благодати сия-
ние; радуйся, источниче, живы́я
воды излиание.

Радуйся, Богородице, в женах
благословѣнная; радуйся, рѣдшая
Спаса Дево нетленная.

Радуйся, Всецарице, недуги на-
ша благодатию исцеляющая.

Кондак 2

Безначальное Слово Отроча
младо Тобою бысть, исцеления
подаѣ Тя, Дево, чтущим и неиз-
речѣнное Его Рождество воспе-
вающим: Аллилуиа.

Икос 2

Разум недоразумѣаемый ра-
зумѣти Дева ищущи, возопѣ к слу-
жащему: яко Отроковица чистая,
како буду Вѣшняяго Мати, изъясни;
к Нейже Гавриил рече со страхом,
зовѣй таковая:

Радуйся, Совета Вышняго Избрáннице; радуйся, гласа молящихся Скоропослушнице.

Радуйся, сокровище Христова мира; радуйся, людей Твоих надеждо и сило.

Радуйся, раковыя язвы дивная Губительнице; радуйся, прочих болéзней Исцелительнице.

Радуйся, единое миру заступлénие; радуйся, верное в скорбех избавление.

Радуйся, плач и слезы прísно утoляющая; радуйся, спасения вхóды всем отверзáющая.

Радуйся, ски́птре и державо Афон населяющих; радуйся, жéзле монахов и мирян.

Радуйся, Всецарице, недуги наша благодатию исцеляющая.

Кондак 3

Сила Вышняго осені Тя, Отроковице, и Сын Божий плоть пріят неизреченно, показá Тя Село сладкое хотѣющимъ жáти спасение и поющимъ: Аллилуиа.

Икос 3

Прослáвися дивно святая икона Твоя, Всецарица именúемая, егда́ цельбоно́сно явися Богоматере изображéние; вопиющимъ же преднею с верою исцелéния подаеши, да умножáются пения сицевѣя:

Радуйся, Мати незаходѣмаго Света; радуйся, претерпéвшихъ до конца победо.

Радуйся, в болезняхъ и скорбехъ сущимъ врачевáние; радуйся, сирот и вдовиц нерушѣмая стено.

Радуйся, двери райския отвер-
зающая; радуйся, труждающихся и
обременённых заступающая.

Радуйся, о спасении верных Хо-
датаице; радуйся, за род челове-
ческий Молитвеннице.

Радуйся, лѣствице небесная, воз-
водящая от земли к небесѣ; ра-
дуйся, водó живая, омывающая
смертныя грехи.

Радуйся, Агнице, сердца незло-
бивых хранящая; радуйся, Покро-
ве, чад Церкви осеняющий.

Радуйся, Всецарице, недуги на-
ша благодатию исцеляющая.

Кондак 4

Живот мѣрови даруя, Владыка
мира вселися во утробу Твою
неискусомужно, Матерь верных Тя

показав, в мире тех воспевати
призва: Аллилуиа.

Икос 4

Преслávная содёяшася о Тебе,
граде Божий, исцелением, быва-
ющим от святых иконы Твоея;
цельбоно́сныя струй врачеваний
приёмлюще, благодарственно, о
Всецарице, вопием:

Радуйся, сна́добие, боль уто-
ляющее; радуйся, прохладо, жар
недужный остужающая.

Радуйся, прижигающая раковыя
язвы, áки пламенем; радуйся, по-
дымающая со одра оставленных
врачьи.

Радуйся, лик Свой пречистый
избрáнным являющая; радуйся, от
греховных уз разрешающая.

Радуйся, яко Тобою избавление
от смерти даровася; радуйся, яко
Тобою безсчетный сонм верных
оправдася.

Радуйся, высотó, человеческими
помыслы неизследованная; радуй-
ся, глубинó, единым Словом изве-
данная.

Радуйся, прорóчество прежде
Тебе бывших патриархов; радуй-
ся, Наставнице Тебе молившихся
иерáрхов.

Радуйся, Всецарице, недуги на-
ша благодатию исцеляющая.

Кондак 5

Пречистый Храм Спасов по-
зна́хом Тя, Отрокови́це; к Тебе
припа́даем, Чистая, да нас соде-
лаеши храмы Божества, вопиющих
Ему: Аллилуиа.

Икос 5

Виде́ша чѣни Ангельстии на руку
Твоею Создавшаго рукою человеки
и яко Владычицу разумева́юще Тя
едину, а́ще и Рабою Себе нарекла
еси́, потща́шася пѣсньми послужи-
ти Ти, Благословѣнной, сицевы́ми:

Радуйся, Богом поставленная
превыше небесных Сил; радуйся,
чудесными исцелѣньми исполня-
ющая мир.

Радуйся, хвалу и славу от небес
слыша́щая; радуйся, благодарение
от земли приѣмлю́щая.

Радуйся, яко семя тли в сердцах
человеческих потреби́ла еси; ра-
дуйся, яко козни диавольския со-
крушила еси.

Радуйся, юдо́ль плачевную радос-
тию исполни́вшая; радуйся, скорби
небесною сладостию пременя́ющая.

Радуйся, благоухание, Богу приятное; радуйся, кающихся грешников веселие изрядное.

Радуйся, броне правды от наветов и искушений; радуйся, щите ограждения от вражды и нестроений.

Радуйся, Всецарице, недуги наша благодатию исцеляющая.

Кондак 6

Проповедницы богоглаголивии, Спасовы ученицы, предста́ша Ти, Дево, чу́дно, внегда́ от земли к небесí восходила еси, да единым сердцем и усты́ воспоют Богови: Аллилуиа.

Икос 6

Возсия́ дивная благодать от иконы Твоея, Всецарице, егда́ юноша,

учёными сатанинскими омрачен-
ный, пред нею падё и недви́жим
бысть; па́че чаяния же от уз мрач-
ных свободенный, со страхом и
радостью взыва́ше Ти си́це:

Радуйся, исправление нечес-
тываго жития; радуйся, утешение
страждущих лю́те.

Радуйся, бесовских полчищ от
Церкве отгнание; радуйся, мглы
греховной рассеяние.

Радуйся, козней невидимых уп-
разднение; радуйся, демонских чар
всемо́щное одоление.

Радуйся, светильниче, прельщен-
ных наставля́й; радуйся, облаче,
невинных от зла покрыва́й.

Радуйся, хо́лме, небесною ма́н-
ною питающий; радуйся, долино,
смирением Христовым насыщающая.

Радуйся, ка́меню небеснаго царства; радуйся, зерца́ло превѣчнаго света.

Радуйся, Всецарице, недуги наша благодатию исцеляющая.

Кондак 7

Хотяй дати Себе в снѣдь верным, благоволил еси от Девы воплотѣтися, да приѣмлющие Пречистое Тело и Кровь Твою познают Тя, Бога совершеннаго; тѣмже дивящися неизреченней премудрости сей зовем: Аллилуиа.

Икос 7

Новое показá таинство явлься Зиждитель, со ученики совершивъ Тайную Свою Вѣчерю; мы же моляще Всецарицу удостоити нас

Божественныя Святѣны, воспісуем
Ей сицевая:

Радуйся, Подательнице Небес-
наго Хлеба; радуйся, Родительнице
Вечнаго Живота.

Радуйся, чаше, Христу приоб-
щающая; радуйся, душу и тело с
Богом сочетающая.

Радуйся, лжице златая, исполнь
Божественных Таин; радуйся, ки-
воте драгий, вместилище великия
Святѣны.

Радуйся, персте, на святую Евха-
ристію указуяй; радуйся, трапéзо,
предлагающая нам Пищу Святую.

Радуйся, в час судный достойных
причастников одесную поставляю-
щая; радуйся, ревнителей Божест-
венныя Литургіи от ада избавляю-
щая.

Радуйся, приводящая смертных
к Источнику безсмертия; радуйся,
ограждающая чад Своих миром и
крепостию.

Радуйся, Всецарице, недуги на-
ша благодатию исцеляющая.

Кондак 8

Странное Рождество видевше,
житейское всякое отложим попече-
ние и горé имéим сердца; на сие бо
Вышний явился во ёже привлещи к
высоте Тому вопиющия: Аллилуиа.

Икос 8

Неотступно в нёдрах Отческих
пребывая, Слово неописанное на
земли́ плоть бысть; Бог Вéлий со-
твори́ величие Деве и призрё на
смирение Рабы Своея, слы́шащая
сицевáя:

Радуйся, невместимаго Бога
вместившая; радуйся, надмирнаго
Творца миру явившая.

Радуйся, яко сокруши́ся смерти
держава; радуйся, яко исцели́ся
Адамова рана.

Радуйся, пластырю, струпы ду-
шевные заживля́й; радуйся, елѣе,
язвы телесныя умаща́й.

Радуйся, утоление болезней раж-
да́ющих; радуйся, облегчение мук
умирающих.

Радуйся, нанесшая поражение
аду; радуйся, притупившая смерти
 жало.

Радуйся, чаяние всеобщаго вос-
кресения; радуйся, православных
несумнённое спасение.

Радуйся, Всецарице, недуги на-
ша благодатию исцеляющая.

Кондак 9

Всякое естество Ангельское и человеческое удивіся величію непостижимаго Твоего воплощенія, Слове; недоумевающе же о сей вѣліей тайне благочестія, со страхом и трепетом благодарственно зовем Ти: Аллилуиа.

Икос 9

Многоразличными недуги одержимии, о Всецарице, от святых иконы Твоя паче чаянія исцеления получают, да приѣмше верою благодать, велегласно взывают Ти:

Радуйся, здравых чад прѣсное сохранение; радуйся, болящих ко здравію преложѣние.

Радуйся, детей недугующих исцеление; радуйся, юных страдальцев Мати.

Радуйся, возстание на одр болезни поверженных; радуйся, отрадою страхом смертным одержимых.

Радуйся, яко внёмлеши человеков рыданиям; радуйся, призревающая на наша стенания.

Радуйся, бóлезней земных небесною радостію растворение; радуйся, люте болящих пачеестественное терпение.

Радуйся, яко уготовляеши плачущим радость; радуйся, яко снабдеваеши крóтких крилóма молитвы.

Радуйся, Всецарице, недуги наша благодатию исцеляющая.

Кондак 10

Спасти хотя Зиждитель истлевшее грехом человеческое естество,

снѣде на Тя, яко дождь на руно́, и купину́ Тя соделав неопалимую, Бог сый бысть Человек, да воспоем Ему: Аллилуиа.

Икос 10

Гтена еси девам, Отроковице Чистая, и всем о чистоте радящим, в Тя бо вселися Бог, очищая разумныя создания Своя, да избывше всякия скверны, предлагаем Ти сицевая:

Радуйся, молчания взыскующих Собеседнице; радуйся, вѣнче хранящих девство.

Радуйся, начало и конец духовнаго совершенія; радуйся, хранилище Божественнаго откровения.

Радуйся, Трѣческаго Совета Тайнице; радуйся, спасения челоуеков Виновнице.

Радуйся, вершіно, гордым умам
неприступная; радуйся, убежище,
смирненным сердцам доступное.

Радуйся, Чистая, небесé чистей-
шая; радуйся, Херувимов и Сера-
фимов честнейшая.

Радуйся, Обрадованная, яко при-
яла еси от Архангела радование;
радуйся, Утешенная, яко рúце Твои
осязáсте воскресшаго Христа.

Радуйся, Всецарице, недуги на-
ша благодатию исцеляющая.

Кондак 11

Пение тщáщеся разумное Спа-
су приносить, всегда неключíми,
Владычице, остаемся раби Твои;
кто бо может достойно воспети
Бога, Егóже имя яко мíро из-
ли́янное; сего ради вопием Ему:
Аллилуиа.

Икос 11

Свет вѣлий возсияв во тьме сидящим, посети нас, о Дево, Восток свыше, Сын и Бог Твой, Ты соделав свещёю на свѣщнице, светонóсным чáдом церковным наказуёт приноси́ти Ти сицевая:

Радуйся, зарё умнаго Солнца; радуйся, вместилище Божественнаго Огня.

Радуйся, свѣте, яко одеяние святых соткала еси; радуйся, свеще, яко тьму бесовскую отгна́ла еси.

Радуйся, ко́сных умов просвещение; радуйся, грешных сердец озарение.

Радуйся, десни́це, из моря суётствий изводящая; радуйся, луче, путеводя́й к царствию спасающих.

Радуйся, молние, нераскаянных
поражающая; радуйся, громе, гу-
бителей устрашающий.

Радуйся, лукавыя совести про-
светление; радуйся, умилоств-
ление Божия суда.

Радуйся, Всецарице, недуги на-
ша благодатию исцеляющая.

Кондак 12

Благодать дати восхотев, завета
ветхаго Податель завет новый нам
дарова; мы же благодать сию при-
имше, не дела закона, но единою
верою спасение улучивше, воспи-
сѹем вси: Аллилуиа.

Икос 12

Поюще Твое Рождество, якоже
древле Израиль в кимвалех сенов-

ную ски́нию воспева́ше, тако и мы
ныне Тя, ски́нию истинну, добро-
дѣтелями прославляем, да слыши-
ши от всех сицевая:

Радуйся, пѣсне, воспеваемая горѣ;
радуйся, псалме, слышимый нѣзу.

Радуйся, Единому Богу достойно
послужившая; радуйся, Божест-
венней Троице смирением угодив-
шая.

Радуйся, веки Носящаго носив-
шая в Себе; радуйся, престоле Со-
держашаго вселенную в руцѣ.

Радуйся, тайно неизреченная ве-
ков и времен; радуйся, упование
твердое народов и племен.

Радуйся, сердечное радование
иереев благоговейных; радуйся,
быстрое слышание молитв церков-
ных и келейных.

Радуйся, премудрости дóме бо-
гоздáнный; радуйся, милости сосу-
де, Богом избрáнный.

Радуйся, Всецарице, недуги на-
ша благодатию исцеляющая.

Кондак 13

О Всецарице Мати, рóждшая
всех святых Святейшее Слово, ны-
нешнее наше приёмши песнопе-
ние, от всякия смертныя болезни
исцели ны и будущего избави осуж-
дения вопиющих: Аллилуиа.

*Этот кондак читается триж-
ды, затем 1-й икос «Ангел пред-
статель...» и 1-й кондак «Ново-
явлénней Твоей...», и молитва.*

Молитва первая

О всеблагая, досточудная Богородице, Пантанасса, Всецарице! Несмы достоин да внидеши под кров мой, но яко милостиваго Бога любоблагоутрѣбная Мати, рцы слово, да исцелится душа моя и укрепится немощствующее тело мое. Имаши бо державу непобедимую и не изнеможет у Тебе всяк глагол, о Всецарице! Ты за мя упроси, Ты за мя умоли. Да прославляю преславное имя Твое всегда, ныне и в безконечныя веки. Аминь.

Молитва вторая

О Пречистая Богомати, Всецарице! Услыши многоболѣзненное воздыхание наше пред чудотвор-

ною иконою Твоею, из удела Афонскаго в Россию пренесенною, прїзри на чад Твоих, неисцѣльными недуги страждущих и ко святому образу Твоему с верою припадающих! Якоже птица крилома покрывает птенцы своя, тако и Ты ныне, прїсно жива сущи, покрый нас многоцелѣбным Твоим омофором. Тамо, идеже надежда исчезает, несумнѣнною надеждою буди. Тамо, идеже лютыя скорби превозмогают, терпением и ослабою явися. Тамо, идеже мрак отчаяния в души вселїся, да возсияет неизреченный свет Божества! Малодушныя утеши, немощныя укрепи, ожесточенным сердцам умягчение и просвещение даруй. Исцели болящия люди Твоя, о всемїлостивая

Царице! Ум и руки врачующих нас
благослови, да послужат орудием
всемóщнаго Врача Христа Спаеа
нашего. Яко живей Ти сущей с
нами молимся пред иконою Твоею,
о Владычице! Простри рúце Твои,
исполненные исцеления и врачбы,
Рáдосте скорбящих, в печалех Уте-
шение, да чудотворную помощь
скоро получив, прославляем Жи-
воначáльную и Нераздельную Тро-
ицу, Отца, и Сына, и Святаго Духа
во веки веков. Аминь.



Краткая история иконы

Икона Божей Матери «Всецарица» известна с XII века, с XVII века находится на Святой Горе Афонской в Ватопедском монастыре, возле восточной колонны собора обители. По рассказам старцев монастыря, первым чудом от иконы было следующее событие. Некий молодой человек вошел в собор и направился к иконе, желая поклониться чтимому образу Божией Матери. Вдруг лик Богоматери блеснул и невидимая сила повергла молодого человека на землю. Придя в себя, он глубоко раскаялся, признавшись на исповеди со слезами на глазах в том, что занимался магией. С этого времени

жизнь его изменилась и он стал благочестивым христианином

Икона Божией Матери «Всецарица» в наше время особенно прославилась исцелениями онкологических заболеваний. По просьбе Общины милосердия во имя святого Иоанна Крошнштадтского, трудящейся в НИИ Детской онкологии в Москве, наместник Ватопедского монастыря архимандрит Ефрем благословил сделать список с чудотворного образа Всецарицы. Позже икона была перенесена в храм всех святых в Красном селе.



**В г. Москве, в Бибиреве, по благословению
Святейшего Патриарха Алексия II
строится новый большой храм**

**Желающие помочь в этом святом деле могут перечислять
пожертвования по следующим реквизитам:**

ИНН 7715130579, КПП 771501001

**Местная религиозная организация православный приход
храма преподобного Сергия Радонежского в Бибиреве,
гор. Москвы,**

р/сч. 40703810500800022102

в ЗАО "ГЛОБЭКСБАНК" г. Москва,

БИК 044525243,

к/сч. 30101810000000000243.

**В графе «назначение платежа» просим указать
следующее: *Пожертвование. Сумма НДС
не облагается.***

**С благодарностью примем другие виды пожертвований, в
т.ч. строительными материалами и продуктами, по адресу:
129272 Москва, ул. Советской Армии, д. 12, стр.1 и 2.
Спросить старосту или настоятеля. Тел.: (095) 289-24-75,
289-23-09, 289-32-05. E-mail: lazarevskoe@mail.ru**

• • • • •

**Также можно присылать почтовые переводы по вышеука-
занному адресу на имя Рыбко Ю.И. Имена всех жертвова-
телей будут поминаться за Божественной Литургией.**

**Приглашаем всех желающих посетить богослужения
в храме прп. Сергия Радонежского в Бибирево.**

**Храм открыт ежедневно с 8⁰⁰ до 20⁰⁰. Божественная
Литургия совершается ежедневно в 9⁰⁰, по двенадеса-
тым и великим праздникам две Литургии: в 6³⁰ и 9³⁰.
Вечернее богослужение ежедневно в 17⁰⁰. По воскре-
сеньям в 17-00 совершается вечерня с акафистом
прп. Сергию Радонежскому.**

***Адрес:* ул. Костромская, 7.**

***Проезд:* м. Бибирево. *Тел:* (095) 289-24-75.**

**Православное сестричество во имя
святителя Игнатия Ставропольского,
существующее по благословению**

Святейшего Патриарха Алексия II

при Храме Святого Духа сошествия в Москве, приглашает воцерковленных девушек до 36 лет, желающих подготовить себя к монашеской жизни путем деятельного изучения творений Святых Отцов Православной Церкви. Проживая при храме и имея возможность ежедневно посещать Божественную Литургию, сестры несут послушания сначала на кухне, по уборке храма и территории, затем — в книгоиздательстве, книжной лавке, иконописной мастерской, воскресной школе, на клиросе и т.д. (сельхозработ и других тяжелых работ нет).

Предоставляется возможность избрать любого духовника или оставить прежнего, и поддерживать с ним общение.

Можем принять проживающих в отдаленных регионах и странах СНГ.

**Просьба предварительно позвонить или написать:
129272, Россия, г. Москва, ул. Советской Армии, д. 12,
стр. 1 и 2. Настоятелю игумену Сергию.**

Телефоны: (095) 289-24-75; 8-926-535-62-08

E-mail: lazarevskoe@mail.ru

Формат 70x100/32. П.л. 1. Тираж 6000 экз. Заказ № 44329

Печать офсетная. Бумага офсетная. Гарнитура Times.

Подписано в печать 09.09.2004

Отпечатано в типографии АО «Молодая гвардия»:

127994 Москва, Сушевская ул., д. 21

© Приход храма Святого Духа сошествия (оформление).

Приход храма Святого Духа сошествия на Лазаревском
кладбище г. Москвы:

129272, Москва, ул. Советской армии, 12, стр. 1 и 2.

ИД № 03037 от 13.10.2000 г.

Икона Божией Матери "Всецарица" находится на Святой горе Афон в Ватопедском монастыре. В наше время особенно прославилась исцелениями онкологических заболеваний. Чтимые списки этой иконы находятся в Москве в Ново-Спасском монастыре (Крестьянская пл., д.10, проезд до ст. м. «Пролетарская» тел. 276-95-70) и в храме Всех святых в Красном селе (Красносельский пер., д. 7, проезд до ст. м. "Красносельская" тел. 264-75-69).



В храме Святого Духа сошествия на Лазаревском кладбище г.Москвы имеется частичка ризы Пресвятой Богородицы.